

BARAKALDO. Nazinoarteko Erakustazokearen planak azoka barriak 401.450 metro koadro beteko dituala dino

Erakustazokearen urigintza proiektua onartu dau udalbatzak

Agintarien esanetan 2004an ipiniko dabe martxan, aurrikuspenak bete ezker

Erredakzioa | **BILBO**

Barakaldoko udalbatzarrak Antsio-Ibarretako plan berezia aurrera ataratea ebatzi eban atzo. Barakaldoko Udala osatzen daben alderdien artean EAJ-EA-ren, PSEren eta PPren baiezkua jaso dau planak, Euskal Herritarrok eta IU-EB abstenidu egin dira.

Udal batzarrean eztabaidarik gogorrena gobernu taldearen eta oposizinoaren artekoa izan da. Diego Moyanok, Urigintza zinegotziak, Erakustazokara Lutxanatik egingo daben bidea Lutxanako auzokideek ontzat hartu dabela adierazo eban. Baina kaltetuek ukatu egin dabe hori holan danik.

Antsio-Ibarreta plan berezia Erakustazokea Barakaldon jar-

teko behar diran pausoak zehaztu dituan urigintza proiektua da. Epe guztiak bete ezker Erakustazokea 2004. urtean martxan egongo dala espero dabe Barakaldoko agintariek.

Nazinoarteko Erakustazokearentzat gertatu daben plan bereziaren aurrekontua 74.000 milioi pezetakoa izango da. Ere-mu guztia 401.450 metro koadrokoa izango da, horreetatik erdiak baino gehiago izango dira antolatuko diren azoketarako.

Sei pabiloitako erakustazokea

Nazinoarteko Erakustazokea Foru Aldundiarenak diran 344.44 metro koadrotan ipiniko dabe. IHOBEn lindanoa tratatzeko planteia be Nazinoarteko Erakustazokak hartuko di-



JOSU ETXEBARRIOSTE

Barakaldoko Nazinoarteko Erakustazokearen maketea.

EZTABAIDEA

Oposizinoak gogorarazo eban auzokideek ez dabela ontzat jotzen Erakustazokara doan Lutxanako bidea

tuan eremuetan ipiniko dabe. Guztira 22.000 metro koadro inguru beteko ditu.

Sei pabiloitako erakustazokea izango da Barakaldoko Antsion eregiko dabena. Lau pabiloi 15.625 metro koadrokoak izango dira, beste batek 21.000 metro koadro eukiko

ditu, eta handienak, 27.000 metro koadro.

Barruan dendak, bulegoak, eta bestelako zerbitzuak aterpetuko dituan 10.500 metro koadroko leku bat be egongo da. Erabilera askotarako eremu bat eta jantokientzat 6.000 metro koadro be eukiko ditu.

ARRIGORRIAGA. Etxebizitzak eregiteko udalaren lehenengo pasua Oilargango txabolak dagozan lurak desjabetzea izango da

Erredakzioa | **BILBO**

Arrigorriagako Udalak eta Eusko Jaurlaritzak babes ofizialeko etxebizitzak eregiteko hitzarmena sinatu eban atzo. Horreek etxebizitzok Oilargan auzoan egingo ditue.

Arrigorriagako Udalak lehenengo pasua emongo da Oilargan auzuneko lurak desjabetuta. Lur horreetan txabola erako etxebizitzak dira gehienak. Lurrok desjabetu ahal iza-

Arrigorriagako udalak eta Jaurlaritzak babes ofizialeko etxeak egitea hitzartu dabe

teko udalak egin eban aurrekontu aurrikuspena 125 milioi pezetakoa izan zan.

Desjabetzearen ostean Arrigorriagako Eusko Jaurlaritzaren esku itziko dau urigintza beharretarako aprobetxau leikenaren %10. Gainontzeko lurak

Lurralde antolaketa, etxebizitza eta ingurumen sailari salduko deutsoz.

Bere aldetik, Jaurlaritzako sailak urigintzeari eta etxebizitzak eregiteari jagokozan beharrrak hartuko ditu bere ardura-pean. Desjabetzeak kaltetuko

dituan familientzat etxebizitza barriak topatzea be Lurralde antolaketa, etxebizitza eta ingurumen sailaren ardura izango dala generatu eban.

Babes ofizialeko etxebizitzak, eta etxebizitza sozialak

Oilarganen desjabetuko dituen lurraldeetan, era biko etxebizitzak egingo dituela jakinarazo eban Jaurlaritzako iturriek. Etxebizitzak eregiteko geldituko diran 6.700 metro koadro in-

gurutatik 3.000 etxebizitza sozialak egiteko erabiliko dituela jakinarazo eban. Beste 3.700 metro koadroetan, oster, babes ofizialeko etxebizitzak egingo ditue.

Arrigorriagako Udaleko arduradunek egindako aurrikuspenen arabera, Oilarganen 75 etxebizitza eregitea da asmoa. Horretarako beharko leiteken dirutzea 110 milioi pezetakoa izatea aurreikusten eban Arrigorriagako Udalak.

LABURREAN

SANTURTZI

Udalak itzuli egingo deutse Higiezinaren ganeko zergea udal garajeen erabiltzaileei

Santurtziko Udalak itzuli egingo deutse Higiezinaren ganeko zergearen zenbatekoa, udalaren garajeen erabiltzaileei. Itzulitza-ko dirua 1996a ezker ordainduriko zergena izango da. Guztira, Udalak zazpi bat milioi pezeta itzuli beharko deutsez garajeak alokauturik daukiezan 651 erabiltzaileei. Arartekoaren gomendioari jarraituta hartu dabe erabagia.

BARAKALDO

Lagatako eraikin batek San Luis auzoan «higieze arazoak» sortu dituala dino Euskal Herritarrok-ek

Barakaldoko Udalean Euskal Herritarrok taldeko zinegotzi dan Koldo Castañosek salaturikoaren arabera, San Luis auzoan, Arrontegiko igerilekua eregiteko gordeta egoan «eraikina guztiz lagata» dagoala eta. Castañosek salaturikoaren arabera, «eraikinean 1.000.000 metro kubo euri ur batu izan dira, eta, horrek eltxo izurritea ekarri dau».

KARRANTZA

Udalak ordezkapenetarako lan poltsea sortzea erabagi dau

Karrantzako Udalak lan poltsea sortzea ebatzi eban abuztuan egin eban azkenengo udalbatzarrean. Lan poltza horretan izena emon gura daben guztiek hilaren 15era arteko epea eukiko dabe. Administrazio laguntzaileak, behar askotarako beharginak, eta turismo gidariak dira udalak behar dituanak. «Lehen beti Inemetik bidaltzen euskuezan pertsonekin ibiltzen ginan, ez zituen gure baldintzak beteten».

**ESTETIKA
ETA ILEAPINTZEA**

CEM

• *Ordutegi eta txanda malguak*

• *Ikasi lehen egunetik praktikatu*

94 423 66 38

Berastegi, 5 - 4. - 48001 BILBO
Abando Metroaren ondoan